

Lister (G.)

DISSERTATIO MEDICA
INAUGURALIS,

DE

BLENORRHOEA A VENERE IMPURA.

QUAE,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.T.P.

ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

GULIELMUS LISTER, ✓

ANGLUS,

SOCIETATIS REGIAE MEDICAE EDINENSIS,

SOCIUS EXTRAORDINARIUS,

&c.

Stultorum incurata pudor malus ul. Hor.

Ad diem 12. Septembris, hora locoque solitis.

EDINBURGI:

EXCUDERAT ADAMUS NEILL CUM SOCIIS.

=====
M DCC XCI.

OF THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

VIRO ILLUSTRISSIMO,
THOMÆ LISTER,
ARMIGERO,

DE GISBORN IN COMITATU EBORACENSI,

Qui nuper officio SENATORIS BRITANNICI fidelissime
functus est, PATRIÆ, nullo in exemplo, unquam
defuit; sed omnibus ejus commodis audax et in-
territus constanter assidueque consuluit: Nec pri-
vatæ publicis virtutibus cedunt.

N E C N O N

VIRO ERUDITISSIMO,
ALEXANDRO MONRO, M. D.
ET REI ANATOMICÆ, CHIRURGICÆQUE IN ACA-
DEMIA EDINENSI PROFESSORI, &c. &c.

Cui, Natura favente, contigit multum luminis va-
riis ANATOMIÆ, PHYSIOLOGIÆ, ET CHIRURGICÆ,
partibus, hætenus ex toto ignotis, saltemve
parum accurate investigatis, effundere.

HANC DISSERTATIONEM MEDICAM INAUGURALEM,
ea, qua par est, Observantia.

D. D. C. Q.

A U C T O R.

VIRI

THOMAS

AMERICAN

DE GRADU IN ANATOMIA
FUNDUS OF THE
DEFINITION OF
TERMINI ANATOMICI
VIRI

NEW

VIRI

ALEXANDER MONRO, M.D.

ET VIRI ANATOMICI, CHIRURGI

DE GRADU IN ANATOMIA

CHIRURGI, FUNDUS

DEFINITION OF

TERMINI ANATOMICI

CHIRURGI

DE GRADU IN ANATOMIA

CHIRURGI, FUNDUS

DEFINITION OF

TERMINI ANATOMICI

CHIRURGI

DE GRADU IN ANATOMIA

CHIRURGI, FUNDUS

DEFINITION OF

TERMINI ANATOMICI

CHIRURGI

DE GRADU IN ANATOMIA

CHIRURGI, FUNDUS

DISSERTATIO MEDICA

INAUGURALIS,

DE

BLÉNORRHOEA A VENERE IMPURA.

SORS mortalium ea est, ut morbis natura sua admodum diversis, et natura curationis non minus diversis, objiciantur; sed iis e memoria nunquam excidat, naturam sapientem et creatricem nunquam voluisse, ut in æternum viveretur; namque non tantum vitæ et felicitati, in spatium temporis certum, sed etiam morti inevitabili, consulendum curavit. Historia autem originis morbi, quem in dissertatione hacce exequi decreverim, non pa-

A

rum

rum litis et controversiæ apud Historicos et Medicos excitavit. E modo docto et accurato, quo celebris ASTRUC omnia hujusce morbi ortum spectantia collegit, et in ordinem redegit, apparet, Luem veneream in Europa semet, circa annum 1494, primum ostendisse; sed non evincere posse videtur, Blenorrhœam, nisi quadraginta annis aut circiter postea elapsis, sese in conspectum dedisse. Ex iis vero, quæ hodie super morbo comperta habemus, non parum evidenter mihi constare videtur, Blenorrhœam et Syphilitidem eodem tempore se in conspectum dedisse, ut postea probabile reddere conabor. Unum tantum, in præsentia, memorabo, unde, Morbum Venereum antiquos latuisse, me judice, tuto potest concludi. Si, Romanis rerum potentibus, extitisset, morbus tam facile collectus tamque cito vulgatus, semet in urbe totius orbis terrarum præcipua brevi ostendisset, et attentionem scriptorum Latinorum in sese haud dubie convertisset, et materiem satyræ eorum acrimoniæ licentiæque feliciter convenientem suppeditasset.

set. Quibus coloribus vividis victimas miserandas, huic morbo succumbentes, depinxissent HORATIUS, JUVENALIS, MARTIALIS? E silentio horum Auctorum cogi et effici potest, nationes antiquiores morbum ex toto ignorasse. Igitur originis multo recentioris sit oportet, et ei, quam ASTRUC illustris proposuerit, videntur objici posse paucissima. Affectus quidem partium genitalium iis, quos hodie videmus, non absimiles in Auctoribus offendimus. Hujuscemodi sunt ii, qui a PAULO ÆGINA, ÆTIO, et CELSO de obscenarum partium vitiis memoriæ produntur. Nulla vero ab iis Auctoribus mentio fit, vitia, quæ recensent, unquam semet contagione vulgare, vel coïtu diffundi, et signa, quæ, singulis fere diebus a viro venereo admoto oriri videmus, facere. Cum res ita sese habeat, cumque nulla eorum operum pars ullum affectum describat, qui morbum venereum etiam levissime reddit, nonne ratio gravissima est, cur affectus, quos depinxerint, non venereos fuisse, sed a fonte diverso originem deduxisse, concludamus? Mul-

4 B L E N O R R H O E A

tæ de causis, quæ morbum primum moverunt, conjecturæ factæ fuerunt. Alii eum gravitati aëris, alii notitiæ mulierum habitæ, dum menstrua proveniebant, tribuebant. Vir clarus JOANNES HUNTERIUS exemplum protulit, ubi erosio glandis et ardor urinæ, in statu rerum non longe diffimili, fuerunt progenerata. Alii, contra, causam morbi et originem certis infectis vel animaleulis, glandi hominis admotis, quo rem veneream avidius potentiusque exerceret, retulerunt. Opinionem hujuscemodi in medium protulit Doctor GERTNER; eandem vero in Auctoribus antiquioribus offendimus.

“ Multum argumentum originis Luis venereæ ab aliquo infecto veneris.” Idem alibi. “ Ictus serpentum omnium malorum pessimum; ideo Lui venereæ merito comparandum. Quis adeo dubitet, istam Luem ex id genus animalibus ortam esse; nam penis ab istis morfibz venenatis vehementer intenditur, et satyriasi, id est furore et libidine perciti, nihil, præter coitum, anhelant.

“ Ita

A VENERE IMPURA. 5

“ Ita quod vulneratis remedium, fœminis ca-
“ lamitas est, et a fœminis sic inflictis invi-
“ cem hominis conflictantur, in posterorū
“ diram perniciem *.”

Historiam vero hujusce morbi naturalem eo
usque ignoramus, ut, a quibus causis primum
fuerit profectus, minime pro certo audeamus
asserere. De hac re igitur ignorantiam nostram
confiteamur oportet.

MORBI DEFINITIO.

“ Titillatio, præcipue in urethræ parte an-
“ teriore, in lacuna MORGAGNII, sub frænulo
“ subsequente, post biduum quatrimumve,
“ phlogosi locali, cum ardore et dolore in
“ mingendo; accedente stillicidio materiæ
“ mucosæ purulentæ, “ vel puriformis, ex
“ urethra; corpore cavernoso urethræ præter-
“ naturam turgescēte, plerumque cum erec-
“ tionibus membri virilis solito frequentiori-
“ bus, dolorificis †.”

EJUSDEM

* M. LISTER de Humoribus, p. 400.

† SWEDIAUR Tab. Nosolog.

E J U S D E M H I S T O R I A.

Blenorrhœa a coïtu impuro plerumque proficiscitur. Semet plerumque diem tertium inter et duodecimum ostendit, modo citius, modo serius. Quod primum signum oritur, id, uti Auctores memoriæ produnt, est sensus punctionis, qui, ut inquiunt, a coïtu protinus notatur, et mox decedit. Hoc vero in omni exemplo non semet ostendit, et, cum notitiam mulieris valetudine commodissima fruētis habueris, sæpe apparebit. Igitur dubium est, et ad id parum attendi debet.

Circa tertium quartumve diem sæpissime apparet primum morbi signum, titillatio nempe grata, prope ostium urethræ. Brevi postea materia, quæ speciem lymphaticam præ se fert, ex ea exire notari potest. Hoc tempore, testiculi quasi circumrotantur; sed hoc non semper incidit. Æger plerumque ad venerem, præter consuetudinem, proclivis est. Spatio brevi hæcce titillatio grata minus grata mutatur, et id quod ex urethra proficiscitur, speciem

ciem puris sibi induit, et copiosius effertur. Hæc signa magnopere intenduntur, quando-
cunque urina redditur, præsertim cum par-
tem affectam primum contingit; et dolor,
dum ultimæ guttæ effunduntur, intolerandus
evadit. Glans penis colorem cerasi nunc sibi
assumit, et multum inflammatur. Præputium
quoque multo crassius fit, et, sub hoc tempus,
phymosis et paraphymosis frequenter offendun-
tur, et dolores circa os pubis sentiuntur. Hoc
tempore constanter notavi, glandem colorem
suum naturalem amittere, quanquam nihil
humoris e glandulis odoriferis effluit, quod
nonnunquam incidit. Distensio totius penis
non raro oritur, suppressione urinæ aliquando
stipata; et cum ægrotus in lecto calidus de-
cumbit, penis, sine voluntate, rigescit, et alte-
rum latus versus incurvatur. Huic nomen
chordee tentigini indi solet. Quod ex urethra
destillat, id species diversas sibi assumit, modo
flavum, modo viride, modo sanguine tinctum.

Signa supra enumerata, in spatium tem-
poris longius breviusve, pro rebus postea con-
siderandis,

8 B L E N O R R H O E A .

fiderandis, manent ; sed plerumque, tribus hebdomadis elapsis, citiusve, minus gravia evadunt. Exempla vero non desunt, ubi, ob certas res, constitutionisve corporeæ proprietatem, signa plus periculi habentia oriuntur ; namque inflammatio distantiam *specificam*, uti appellatur, excedit, et cervicem vesicæ etiam*, glandulam prostaticam, &c. attingit, urinæ retinendæ impotentia, testium, glandularum inguinis, &c. tumore stipata. Nonnullis in exemplis, cum profluvium supprimitur, idque subito, ophthalmia gravissima protinus oritur. Quinetiam fere constanter notatur, profluvium, si ægrotus quolibet morbo acuto, ut febre, corripitur, in aliquantum temporis cessare ; et, si febris violenter urgeat, Blenorrhœam nonnunquam ex toto depelli.

Non raro, cum omnia alia Blenorrhœæ signa decesserunt, materia, lymphaticam reddens, ex urethra effundi perget. Hoc autem stillidium Anglice *gleet* appellari consuevit.

Parum necessarium foret notare, omnia
signa

* MONROII Prælect.

signa supra comprehensa nunquam fere in eodem exemplo conjungi. Modo unum, modo aliud deest. Tentigo, sine voluntate, non semper subest. Ardor urinæ, contra, raro abest. Tentigo modo posita frequenter ultimum signum esse reperitur.

Mulieres, cæteris paribus, eodem fere modo, ac mares, affici consueverunt. Igitur signa earum describantur non necesse est. Notatu tamen dignum est, morbum in sexu fœmineo plerumque esse leviozem.

SIGNA, QUAE HUNC MORBUM AB ALIIS SECERNUNT.

A signis, quæ in Blenorrhœa semet ostendunt, oritur difficultas eam ab aliis morbis dignoscendi, quorum notæ ei proprias magnopere referunt. Hujuscemodi autem sunt affectus renum, vesicæ uriniferæ, Blenorrhœa non virulenta in viris, et Leucorrhœa in fœminis. Morbi renum a Blenorrhœa non difficulter distingui valent. Namque in illis signa primaria sunt dolor, calor et pondus in regi-

one renum, aliis inflammationis notis stipata, quæ semet semper prius ostendunt, quam aliquid materiæ descendit, et, cum apparet, dolor pondusque in renibus etiamnum manent. Hæc signa vero nullum cum Blenorrhœa nexum habent, et duo morbi igitur a se invicem facile secernentur.

Quantum morbos vesicæ spectat, diagnosis sæpe multo difficilior. Namque, ulceribus vesicæ substantibus, calor urinæ, et dolor etiam pondusque perinæi accedunt, quæ signa quoque in Blenorrhœa notantur. Si vero animus ad tempus modumque, quo materia evacuetur, diligenter attendamus, diagnosin iustam attingere valebimus. Namque, si materia e vesica profluat, tantum inter urinam reddendam evacuatur. In Blenorrhœa, contra, ex urethra constanter effertur.

Leucorrhœam a Blenorrhœa rite distinguere sæpe difficile est. Per prima Blenorrhœæ stadia, hanc ab illa secernere facilius valemus, quod hic se in conspectum dant, calor urinæ,
tumor

A VENERE IMPURA. II

tumor et inflammatio labiorum pudendi partiumque vicinarum, quæ aliquando eroduntur. Hæc signa vero in Leucorrhœa recente rarius offenduntur. Hæc quoque dolore sensuque ponderis, in regione lumborum, fere semper stipatur; quod nunquam in Blenorhœa incidere consuevit. In Leucorrhœa subsunt languor universus et debilitas, et præsertim appetitus cibi prostratus. Per hæc notas unum morbum ab altero plerumque dignoscere valemus.

Quantum ad Blenorhœam non virulentam attinet, ea plerumque alicujus vitii chronici, vel acrium in urethram invectorum propago est. Cum signa vero in utroque casu sint eadem, nullo modo distingui possunt. Igitur in diagnosi quærenda, non alia re, quam amore veri ægrotantium noto, et existimatione bona regi possumus.

CAUSÆ MORBI.

Quantum ad femina hujusce morbi attinet, quænam, aut qualia sint, statuere non possumus;

mus; aliqua vero non deesse, in primis probabile est. Nonne ratio est, cur suspicemur, ea cum statu irritabilitatis urethræ aliquo modo conjungi? Unica noxa, vel causa excitans est virus venereum contingere.

RATIO, QUA VIRUS URETHRAM INGRE-
DIATUR.

Cum Auctores super hac re consulimus, eos inter sese longe differre reperimus. ASTRUC existimavit, virus in urethram per vasa absorbentia invehiri. Hæc opinio vero repudietur oportet, quoniam nulla lymphatica a superficie urethræ ad cavum ejusdem tendunt; sed, contra, in glandulas inguinum definunt. Ob hunc errorem tamen ASTRUC facile excusatum habere possumus; quod decursum lymphaticorum accurate persequi, et actionem eorundem veram detegere MONROIO illustrissimo soli contigit. Opinionem recipere non possumus, virus venereum per partes, ut aqua per spongiam, transfudare; namque argumen-
ta

ta a viro illustri modo posito, et nuper quoque a viris claris CRUICKSHANK et JOANNE HUNTERIO adhibita conjunctim demonstrant, nullam transfudationem hujuscemodi in corpore vivo unquam incidere. Dr HUNTER in hanc sententiam concessit, cutem circa ostium urethræ tenerrimam inflammationem concipere, ob virus venereum ei admotum, et hanc inflammationem semet diffundentem, ut aliquid humoris in superficiem urethræ internam effunderetur, fecisse, et hanc materiam hoc modo invec̃tam Blenorrhœam movisse. Si res ita sese haberet, partem primum affectam, postquam reliqua signa accesserunt, etiamnum dolore, et aliquantum inflammari reperire sperares. Aliter vero incidit. Dolor etenim intra urethram primum percipitur, et, per decursum morbi tantum, ad partes externas patet. Quinetiam vir clarus CRUICKSHANK, nuper comprehensus, ponit, Blenorrhœam ab irritatione viri venerei in partibus exterioribus pendere, et hoc in urethram non intrare. Et sibi in animum, se hoc demonstrasse, inducit,

quod

quod lotiones externæ morbo aliquando occurrunt. Cæterum res veræ numerosæ et experientia quotidiana fundamenta huic hypothefi ex toto subruunt.

Doctus autem MONROIUS opinatur, virus venereum in urethram attractione capillari, uti vocatur, vel eo modo, quo oleum inter duas laminas vitreas ascendit, invehi; etenim, ut inquit, dum penis erigitur summamque distensionem attigit, mucus, qui restat, sub forma guttæ, ad ostium urethræ, exprimitur, quæ, pene detumefcente, intra urethram retrahitur. Alia rursus, inquit vir celebris, ut in hanc sententiam eam mihi suadent. Infecta intra cavum narium offendo, quorum genitrices illuc intrare non potuerunt, sed ova sua in mucum narium haud dubie deposuerunt, forsitan dum dormiebatur, quæ, inter expergiscendum, intro in cavum narium attrahi potuerunt, quo tempore a mortalibus plerumque profunde inspiratur. His similibusque inductus concludit, virus venereum in urethram, aliquantum in hunc morem, intrare.

Dr

Dr GIBSON, in dissertatione sua inaugurali Edinburgi anno superiore in vulgus edita, virus non ratione postremo comprehensa in urethram invehi contendit. Verba ejus subsequuntur. "Plerumque vero, breve spatium post coïtum humor mucosus ex urethra stillat; ita opinio postrema haud omnino consentanea videtur." Doctor vero secum cogitare debuit, hoc argumentum omni alii opinioni, et suæ in reliquis, ex æquo obistere. Nonne profusio, cujus mentionem facit, virus secum abducat, five, per attractionem capillarem, five, per frictionem, ut ille ponit, in urethram ingrediatur?

Hæc theoria, meo judicio, omnium maxime probabilis esse videtur; aliquas tamen res veras novi, quæ per eadem principia clare nequeunt exponi.

Blenorrhœam, sine ulla feminis evacuatione, bis contrahi pro certo scivi. In altero exemplo, ad coïtum, experimenti faciendi causa, decursum est, et in hoc, ut mihi persuasum fuit, ne gutta quidem feminis minima fuit
emissa.

emissa. In altero ad venerem fortuito confugitum est, sed vir generosus pro certo novit, nullam emissionem incidisse; namque aiebat, frictionem multo diutius prius adhiberi oportuisse, quam is effectus potuit edi. Et unus et alter generosorum in morbum inciderunt. Vir ingeniosus, et mihi in primis dilectus GULIELMUS YATES, Liverpoliensis, septem pueros Blenorrhœa ab eadem puella affici vidit, quorum nulli decennium fuerant transgressi, et quidam eam ætatem minime attigerant. Quod puellæ, ad coïtum puerorum præmaturum decurrere, in animum induxit, id hujuscemodi fuit. Ab aliquo fuerat edocta, se, si notitiam complurium, qui morbo carerent, habere posset, a morbo ex toto liberatum iri. Hæc notio apud vulgus nimis etiamnum dominatur. In omnibus autem his casibus nulla emissio incidere potuit. Igitur gutta, ad ostium urethræ extremum, virus secum retrahere non valuit. Ex iis, quæ colligere potuerim, haudquaquam apparet, minimam etiam speciem guttæ cujuscumque in urethra puero-
rum

rum eandem ætatem, quam supra posuerim, habentium, dum penis erigitur, semet ostendere. Nec quidem constat, ullam hujusmodi speciem in adultis etiam, antequam semen emittitur, in conspectum dari; præterquam in iis, qui, in aliquantum temporis antea, Ble-norrhagia infestati fuerunt. Hoc vero attractionem capillarem, quæ supra fuit posita, quæque haud dubie est opinio maxime probabilis, minime convellit. Igitur non opinari non possum, virus in urethram attractione capillari immitti, sed hanc non parum adjuvare frictionem mechanicam, quæ ut vis a tergo, agere potest. Et, quanquam profusio a coïtu constanter notatur, tantum ponendum est, contactum viri venerei ad actionem veneream in vasis urethræ excitandam esse necessarium, et hanc motum iri, quamvis virus ei, in spatium temporis breve tantum, admovebitur. Nonne admodum probabile est, partem viri, urethræ adhærentem, posse manere?

S E D E S M O R B I.

Multis olim placuit, Blenorrhœam in vesiculis feminalibus federe. BARTHOLINUS, eam glandulam prostaticam tenere, opinatus est. Accur tissimus MORGAGNIUS sequentia, super hac re, memoriæ prodit. “ Ventum est, ut vides, “ ad postremam in urethra gonorrhœæ sedem, “ prostaticam videlicet glandulam, et carunculam feminalem.” Idem Auctor alibi addit. “ Cum in juvene annos nato viginti quinque “ frigidas, adeo atque exsuccas, contra atque “ illa ætas fert, vesiculas deprehendimus; eadem enim virulenta inflammatio, quæ extremorum feminis ductuum alterum olim contraxerat, alterum obcæcaverat, in vesiculas propagari potuit.” In eadem epistola notat. “ Occurrit hic quoque gonorrhœæ sedes, “ nobis altera, Littrio prima, videlicet, ut ipse “ constituerat, COOPERI glandulæ, &c *”. De eadem re Auctor eruditissimus ita differit.

“ Non

* MORGAGNIUS de causis et sedibus morborum, epist. 44.

“ Non adeo in longis forte et corruptis mor-
 “ bis etiam glandulas Cooperi, aut demum
 “ prostatam, corruptas esse, persuadeor ; nec
 “ facile crediderim in iis sedem esse primoge-
 “ nitæ corruptionis, etsi longo malo feriorum
 “ supervenire non recuso, id neque glandulis
 “ COOPERI, vera experimenta extare credo *.”

Quodcunque offenderit MORGAGNIUS, HAL-
 LERO non assentiri non possumus, partes,
 quas MORGAGNIUS memoraverit, in casibus
 recentibus rarius affici. In exemplis vero,
 quæ aliquantum spatii habuerunt, in nonnul-
 lis etiam trium mensium, MONROIUS e præpa-
 ratis suis anatomicis morbidis clare demonstrat,
 totam urethræ membranam, præter consuetu-
 dinem, esse incrassatam, et erosionem, in uno
 exemplo, ad cervicem vesicæ usque patuisse.
 Pleræque vero Blenorrhœæ recentes in ure-
 thra, digitum aut circiter ab eo loco, ubi in
 glandem definit, sedent. Viri clari PLINII
 experimentum hoc plane firmavit, sed ad id
 animum non satis attenderunt chirurgi et Me-
 dici.

* HALLERI Element. Physiol. tom. 7. p. 474.

dici. Urethram, tres digitos aut circiter supra glandem, pressuræ subjecit, deinde, ut materia partem pressam inter et glandem colligeretur, satis spatii permisit. Hoc facto, materiam, quæ infra pressuram primariam coiverat, expressit. Tunc digitum, quo primam fecerat pressuram, removit, et partes, supra istam pressuram, deorsum compressit; sed nihil materiæ potuit comparare.

Ufus injectionum idoneus sedem morbi clarissime demonstrat; pressura nempe urethræ, quo liquores immissi ad vesicam usque non sibi viam patefaciant, nec virus venereum retro pellatur, illata.

Utrum profusio ab ulcere necne, vel a secretionem adaucta, proficiscatur.

An quibusdam auctoribus assentiendum est, ulcera urethræ prognerari; vel, in morem aliorum, ex toto inficiendam est, ea unquam existere? Nonne verba Ovidiana adhibere licet? “ Medio tutissimus ibis.” Igitur asserere placet, membranam urethræ, in plerisque

que casuum communium, irritatam esse et inflammata, nulla substantia amissa, vel continuitate soluta; et globulos, qui muco excreto commiscuntur, non singularem naturam habere, sed, uti MONROIUS ingeniosus ait, in catarrho communi excretos omnino referre, in quo exulceratio incidere minime ponitur. Si vero morbus gravior fuerit, summa ratio non deesse videtur, cur ulcera subesse credamus; namque dolor minime modicus est, et sanguis etiam non raro profunditur. MORGAGNIUM, in una operis parte, nulla ulcera in gonorrhœa oriri, plane contendere reperimus; in alia vero contractiones, cum obstructionibus, multorum ductuum mucosorum æque plane commemorat, et hæc contractiones etiam vestigia priorum ulcerum esse affirmat. “Quippe indicans, unde irritans virus, et demum exulcerans destillasset.*” MONROIUS celeberrimus præparata possidet, in quibus erosiones, a causa venerea proficiscentes, sese evidenter

* Epist. 44. Art. 10, 13.

denter ostendunt. Quinetiam idem vir clarus, auxilio duorum specillorum, ulcera in urethris complurium ægrotantium, qui curæ suæ commissi sunt, frequenter videre potuit. Insuper fistulas, a simili causâ ortum ducentes, non tantum in urethra, sed in omnibus penis partibus diversis, offendimus; et vir clarus, modo comprehensus, credit, eas esse multo frequentiores, quam MORGAGNIUS opinari videtur. Etenim ulcera urethræ inesse possunt; et nulla tamen eorum vestigia brevi reperiri valebunt. Hinc argumenta iis, in cadaveribus incidendis, non apparentibus inædificata nihil valent; namque ulcera venerea in lingua et faucibus ex toto evanescent, et forsitan multo citius nulla vestigia in partibus ab aere seclusis relinquent. Doctor ait, affirmatum fuisse, bubonem a blenorrhœa nunquam oriri; sed experientia eum ex toto contrarium docuit. Minime tamen ulcera in omni exemplo esse contendit; sed ait, bubones, propterea quod urethra muco bene defenditur, rarius semet,

femet, sine ulcere, esse ostensura. Qui ulcus in urethra nunquam existere asserunt, ii modo sequente loquuntur. Si turunda in urethram insinuetur, et ibi, in spatium quatuor vel quinque horarum, remaneat, materia puriformis e lacunis urethræ profundetur. Insuper profluvium simile, in ophthalmia, ab inflammatione palpebrarum proficisci sæpe notatur. Profusio idem genus in fluore albo, coryza, &c. apparet; et tamen ab ulceribus profluere non ponitur. Hoc vero, quod supra asseruimus, ulcera nempe in blenorrhœa frequenter existere, minime subruit; namque ea in cadaveribus incidendis vidimus, et neminem fere, ea, singulis annis, in theatro anatomico Edinensi demonstrari, latet. Si aliis anatomicis ea in investigationibus suis offendere non contigit, et se ea non reperisse non plane confitentur, sed inde talia nunquam existere, audaces concludunt, liceat rogare. Quidnam suæ asseverationes, demonstrationi ipsi oppositæ, hocce seculo perspicacissimo, quo nihil fidei nisi certissimis

tissimis habetur, valebunt? Nonne omni pondere destitutæ esse existimabuntur?

PROGNOSIS.

Quantum prognosin in hocce morbo spectat, quo mitiora signa sunt, eo expeditior curatio sperari potest, et vice versa. In exemplis lenioribus, cum irritatio et ejus effectus, inflammatio nempe, non concitiora sunt, morbum, octo decemve dierum spatium, depelli aliquando videmus. Si vero inflammatio gravior est, præsertim in corporibus irritabilibus, cumque ægroti ipsi rationis vivendi idoneæ non satis tenaces sunt, morbus nonnunquam, in magnum temporis spatium, ante producitur, quam curatio potest absolvi. Immo denique cum omnia conamina fuerint adhibita, stillidium insanabile aliquando restat.

RATIO SIGNORUM.

Quo signa blenorrhœæ propria rite expendantur, virus venereum cuilibet alii materiæ irritanti, superficiei urethræ internæ per quam sensibili admotæ, comparetur necesse est. Quæ experimenta Doctor SWEDIAUR in semetipsum instituit, ea huic rei summum lumen offundunt. Virus modo, quem supra comprehenderim, applicatum parti stimulo, præter naturam, est, et inde actio partis intenditur. Et lex œconomiae animalis esse videtur, actionem fibrarum muscularium cujuslibet partis, intra certos limites adauctam, sensibilitate quoque adaucta constanter stipari. Hinc sensus doloris proficiscitur. Alia œconomiae animalis lex hæc est, quemlibet stimulum datum, pro gradu irritabilitatis vel mobilitatis partis, effectum majorem minoremve esse habiturum. Hinc morbus in aliis corporibus, quam in aliis, multo gravior est. Tertia œconomiae animalis lex hujuscemodi est, actionem in quali-

D

bet

bet superficie secernente, ad certum gradum adauctam, auctu quoque ejus secretionis constanter stipari. Hinc oritur secretio in hocce morbo adaucta. Diversi profusionis colores cum irritatione, vel actione vasorum partis, quodammodo conjungi, et inde pendere videntur. Mucus naturalis, quo urethra defenditur, mutatur et abducitur; et hinc ardor urinæ profluit. Namque experimenta ostenderunt, calorem urinæ, in ardore ejusdem, non augeri, ut thermometrum plane et evidenter indicat. Hinc vocabulum *Ardor Urinæ* minime idoneum est. Irritatio constanter pergens sensum molestiæ, per totum urethræ decursum, facit, qui contractionibus cervicis vesicæ, voluntati non subditis, stipatur. Hanc ob causam, stranguria ardorem urinæ frequenter concomitatur. Cum inflammatio concitior est, exulceratio est hujus sequela. Hæc quoque stricturas frequenter movet. Cum inflammatio profundius tendit, et membranam reticularem, uti appellatur, occupat, exudatio lymphæ coagulabilis incidere dicitur. Hinc
profluit

profluit tentigo inæqualis, Anglice *chordee*, quæ conjunctione cellularum corporis spongiosi urethræ fit, quæ potestatem ejus distensionis impedit, et eam, dum penis erigitur, corporibus penis cavernosis inæqualem reddit. Tentigo vero inæqualis in una erectione subest, in altera deest, in tertia rursus apparet. Quo hoc explicetur, notari potest, corpus urethræ spongiosum cum corporibus penis cavernosis non communicare. Igitur posteriora sanguine repleri possunt, dum priora multo minus ejusdem habent. Rebus ita se habentibus, *chordee*, uti appellatur, aberit; namque tantum accidere potest, cum et corpus urethræ spongiosum et corpora penis cavernosa eriguntur. Hoc explicabit, cur in una erectione subfit, et in proxima desit.

Tumor testicularium proxime considerandus est. Ab aliis auctoribus aliter fuit explicatus. Omnes vero fere hocce phænomenon exponendi rationes recensuit, et iisdem breviter respondit illustrissimus MONROIUS. “Istud
“autem statuere, virus, nempe venereum, in
“sanguinis

“ sanguinis massam per vasa absorbentia susce-
 “ ptum, et deinde per arterias spermaticas te-
 “ stibus illatum, eos in tumores attollere, vix
 “ ac ne vix quidem nos edocet, cur alia cor-
 “ poris organa non etiam invadat; cur subito
 “ adeo testes intumescant, cum materies mor-
 “ bosa lentissime certe per arterias in testes
 “ irruat; denique, cur subito adeo detume-
 “ scant, resuscitata gonorrhœa, neque aliis
 “ organis vitium inferat. Contra, ponere ve-
 “ nenum venereum, recta per vasa lymphati-
 “ ca, vel per vas deferens resorptum, in
 “ testes incurrere, et eos occupare, anatomiae
 “ omnino adversatur*.”

‘ Universæ hæ hypothèses ad tumorem testi-
 culorum explicandum haudquaquam suffi-
 ciunt. Igitur per principia diversa eum ex-
 ponere conandum est. Testes intumescere
 frequenter notati sunt, dum calculi per ure-
 thram transibant, vel etiam dum a renibus per
 ureteres descendebant.

IN

* Thesaur. Med. v. 2. p. 377.

In tractatu de re chirurgica vir clarus SHARP, testiculos, ab operatione laterali lithotomica, intumere notavit. Et vir sagax quoque POTT in prælectionibus de eadem materie tradit, se tumorem testiculi a dosi nitri nimis larga, ab ægroto sumpta, oriri vidisse. Si in hisce duobus exemplis autem tumorem, sine auxilio translationis vel absorptionis materiæ, exponere possimus, quid obstat, quo minus idem, in casu venereo, faciamus?

Morbus, uti jam notavimus, in progressu suo, pro rebus diversis, naturali, altius altiusque in urethram penetrat, et inflammatio membranam prope ductus feminales occupat, unde finis vasis deferentis afficitur, et irritatio retrorsum ad testiculum usque propagatur. Hinc tumor ejusdem et inflammatio ab irritatione eodem modo cientur, quo, uti MONROIUS in thesi sua de testibus inquit, “ piper oculo
“ vel ori immissum lachrymas et salivam ci-
“ tat.”

Et idem vir clarissimus, ut documentum hujusce doctrinæ, notat tumorem ad vas defe-
rens

rens constanter incipere, et inde ad epididymidem, et hinc, ad extremum, ad testem ipsum procedere; et tumorem subsidentem idem iter omnino, ab ostio nempe vasis deferentis ad testem, assidue perpetuoque tenere. Hæc satis evidens perspicuumque reddunt, tumorem testium in Blenorrhœa ab irritatione retrorsum propagata ortum deducere. Quæ ophthalmia, profluvio suppresso, semet ostendit, ea consensui illi partium singularium generali tribuenda est, quem viri clarissimi, MONROIUS in libro suo de systemate nervoso, et WHYTTIUS in tractatu de motibus involuntariis tam docte accurateque fuerunt prosecuti. Eidem quoque systematis legi referendus est tumor mammarum in fœminis, et testiculorum in viris, qui in cynanche parotidæa, glandulis externis detumescantibus, oriri consuevit. Insuper celebris MORGAGNIUS casus mentionem injicit, ubi ophthalmia oculos, et arthritis pedes alterne corripuit. Itidem CULLENUS immortalis in prælectionibus suis commemorare solitus est, se juvenem ophthalmia laboravisse,

laboravisse, et, monitu cujusdam, ad usum pulveris nicotianæ decucurrisse, qui morbum sanavit. Aliqua vero in causa fuerunt, cur ab usu ejus aliquamdiu desisteret, et morbus repetivit, et usu ejusdem renovato iterum depulsus est. Hæc omnia legi supra positæ referenda sunt.

Bene perspicuum est, qua ratione Blenorhœa fisti, aut etiam sanari, possit, febre accedente. Namque cum vasa extrema interna æque, ac externa, spasmo, qui febris symptoma est, universo corripiantur; clarum evidensque est, hunc omnes secretionis totius corporis, et igitur urethræ in reliquis, esse diminuturum. Hinc, si spasmus, in tempus non modicum, conservetur, potestas virus venereum procreandi, vasis urethræ propriis insita, perdi potest; aut vasa ipsa forsitan ad actionem ejus ulterius sentiendam male accommodata evadere valent. Ita morbus utrovis modo ad curationem absolutam potest perducī. Si hoc verum sit, facile explicabit, cur alii aliis ad morbum procliviores sint, et idem etiam aliis.

Utrum

Utrum materies Blenorrhœæ et Syphilitidis eadem necne sit.

Hæc quæstio autem ingenium quorundam ex eruditissimis nuper exercuit, et nonnulli eorundem afferunt, materiam Blenorrhœæ ab acrimonia simplice; luis a viro specifico proficisci.

1. Affirmatur, luem mercurio posse depelli, et Blenorrhœam nihil mutationis inde subire.

2. Afferitur, luem quadraginta annos, antequam Blenorrhœa semet ostendit, sævitiem suam apud incolas Europæ exercuisse. Quod, lue cum insulam Otaheite tenentibus communicata, incidit, id, ut opinionis prioris tenaciores sint, facit. Namque docent, Blenorrhœam ibi etiamnum esse ignotam.

3. Contenditur, Blenorrhœam luem nunquam facere, et materiam Blenorrhœæ luem infusione non esse facturam. Hæc autem præcipua argumenta sunt, quæ ab iis, qui morbos

natura

natura sua ex toto diversos esse contendunt, adhibentur.

Proximum est, ut his responsa ordine reddere conemur.

Primo argumento hoc modo respondetur. Rem, nonnullis in exemplis, ita sese habere posse confitemur. Namque axioma medicinæ fere universum est, vitia loco propria non tam cito medicamentis in systema universum agentibus, quam parti ipsi laboranti admotis, parere consuevisse. Quo magis loco certo quilibet affectus continetur, eo magis remediis generatibus obfistet. Compertum habetur, ulcusculum remediis loco ipsi applicatis sanari posse; dum systema, eodem tempore, affectum et inquinatum manebit.

Proximum est, ut rationes, cur mercurius Blenorrhœam non sanet, examinemus. Affertur, partes in Blenorrhœa affectas actioni mercurii non subditas esse, quod extra limites circuitus sanguinei sunt. Si vero iter, quod circuitus teneat, et fines ejus diversos consideremus, opinio modo comprehensa, me judice, principiis falsis inniti reperietur. Nonne

E

mucus

mucus urethræ e sanguine per arterias, ut in omni alia corporis parte, fecernitur? Hoc verum esse nemo negabit. Documenta autem indubitabilia habemus, globulos mercurii arterias glandulis salivariis proprias intrare, et ostia quoque vasorum lymphaticorum patula, in omnibus partibus corporis diversis. Si res ita se habeat, nonne mercurius quoque per arterias urethræ mucosas ad unamquamque penis partem devehitur? Cum demonstraverimus, mercurium ad partes penis remotissimas diffundi, proxime conabimur probabile reddere, mercurium in omni exemplo, si quantitatem ejus satis magnam constitutio corporis posset tolerare, Blenorrhœam esse depulsurum. Hoc vero incidere non potest, nisi systema universum eo quasi saturabitur. Numerum ægrotantium non parvum pilulis mercurialibus Pharmacopœiæ Londinensis sanari vidi, qui novam praxin, uti eam appellant, avversantes idonea remedia sumere recusarunt, et nihil, præter pilulas modo positas, adhibere voluerunt. Omnes tamen, sine ulla sequela mala, ad sanitatem ex toto reducti sunt. Dicitur forsitan, æque bene

curatum

curatum iri, si pilulas e micis panis confectas sumpfissent. Huic vero minime assentiri possum, quod numerum ægrotorum non modicum hoc modo curari vidi, et, quanquam nonnulla exemplorum leniora erant, ratio non deerat, cur medicos praxeos hujuscemodi pœniteret.

Quod *secundum* argumentum spectat, liceat notare, primas historias et descriptiones luis, quas memoriæ prodiderint scriptores antiquiores, adeo confusas et imperfectas esse, ut parum nihilve fiduciæ in iis possit collocari. Et cum nobiscum reputamus, virum ingeniosum ASTRUC clare evidenterque demonstrasse, Blenorrhœam, intra quadraginta annos, postquam Syphilis in incolas Europæ primum invasit, extitisse; nulla argumenta a spatio temporis tam brevi tamque nugatorio, illam eo tempore non ortam esse probandi consilio, peti debent; præsertim, post tot secula elapsa, dum modum, quo morbus uterque cum mortalibus communicatur, omnino eundem esse notamus, et dum observationes quotidianæ, unum alterum frequenter excipere, quod haud dubie ex tempore,

re, quo in Europam primum immigraverunt, incidit, plane testantur. Quantum ad hoc, quod Blenorrhœa in insula Otaheite nondum orta esse dicitur, attinet, Dr SWEDIAUR auctoritate viri clarissimi, præfecti navalis KING, confusus tradit, se materiam ex urethris incolarum hujusce insulæ excerni frequenter vidisse. Hoc evidenter ostendit, quam parum narrationibus historicis, etiam recentibus, possumus confidere, et igitur quantum fidei descriptionibus morborum ante multas centurias traditis debeat derogari. Quidam rei veræ, a præfecto KING commemoratæ, occurrere conati sunt, quod vir generosus, qui eam observavit, non medicinæ operam navaverat, quodque humores interdum ex urethris Blenorrhœa non laborantium efferri solent. Compertum vero habemus, profusiones ex urethra non venereas a morbis chronicis plerumque oriri. Affectibus autem hujuscemodi patere vix poni possunt incolæ partis orbis terrarum incultæ. Et cum Syphilitidem eos invasisse, et humorem illis ex urethra profundi comper-

tum

tum habeamus, nemo, præjudiciis non abrep-
tus et occæcatus, quin Blenorrhœa fit, dubita-
re valebit. Cum scripta eorum, qui primi, aut
in primis, hunc morbum executi sunt, percur-
rimus, neminem eorum mentionem injicere
reperimus, bubonem Syphilitidem comitari,
quanquam signa luis et ulcusculi satis accura-
te depingunt. JOANNES de VIGO etiam, qui
tractatum de morbo Gallico, una cum syste-
mate chirurgicæ artis, anno salutis humanæ
1526, in lucem edidit, nullam bubonis men-
tionem facit, quamvis Syphilitidem satis per-
spectam habuisse videtur. An vero hinc con-
cludere licet, bubonem naturam veneream non
habere? Si testimoniis historicis solis regere-
mur, nihil omnino obstaret, quo minus inde
cogeremus, eum ortus, quam luem, recentioris
esse, et iisdem principiis, et cum ratione æque
gravi, arguere liceret, eum a Syphilitide ex
toto diversum esse, ac materiam Syphilitidis
et Blenorrhœæ inter sese differre.

Tertium argumentum denique consideran-
dum superest. Et hic non notare non possu-
mus,

mus, medicos summæ claritudinis, experientia et observatione diuturnis inductos, in sententiam ex toto diversam ivisse. Vir jure summo celeberrimus MONROIUS, jam toties citatus, affirmat, se notas Syphilitidis, a Blenorrhœa proficiscentis, evidentissimas vidisse; et alii medici clari idem observarunt. E JOANNIS HUNTERII experimentis constat materiam luis Blenorrhœam esse moturam, et materiam hujus, contra, morbum venereum totius systematis esse progeneraturam. Alia experimenta similis naturæ ab aliis viris generosis fuerunt instituta, et eventus non idem esse repertus est. Ratio hujus vero forsitan aliqua ex parte reddi potest. Imprimis necessarium est, cum pericula hoc genus fiunt, ut materia, quæ admoveatur, revera venerea sit. Igitur ex aliquo morbo recentiore laborante sumi debet; namque, cum Blenorrhœa aliquantum spatii habuit, utrum materia profluens venerea, necne sit, locus dubitandi est. Insuper silentio non prætereundum est, vasa partis modo punctæ, cui virus admovetur, in actionem violentam,

violentam, per vim instrumenti stimulatricem, exsuscitari, sanguinem profundi, et læsionem forsitan primo, uti vocatur, consilio conservere. Si non, pus quantitate et dotibus valetudini corporis commodæ respondens effundit. Rebus ita se habentibus, virus sanguine, vel pure, prius ablui periclitatur, quam una ejus particula vasa partis contingere potest. Hoc in casu, nullus effectus venereus edetur. Sin, contra, experimentum in magis debilitatos, et in constitutionem corpoream muneribus systematis rite fungi minus valentem, instituatur, vasa partis minus irritabuntur minusque violenter agent. Hinc minus puris, ejusque natura sua non æque blandi, secernetur, et multo melior viro partis læsæ vasa contingendi casus subministrabitur. In tali rerum statu, morbus pro certo fere movebitur.

Cum per argumenta supra comprehensa ostenderimus, in primis esse probabile, Mercurium in systema copiose diffusum Blenorrhœam esse sublaturum; parum fiduciæ in testimoniis historicis collocari debere, et hinc,

cum

cum ratione æque gravi, contendì posse, bubonem naturam veneream non habere; Blennorrhœam apud incolas insulæ Otaheite minime esse ignotam; materiam Blennorrhœæ luum morbumve totius systematis venereum esse facturam; et omne experimentum, utrumque morbum eundem, et minime diversum, esse demonstrandi causa institutum, non processurum; summa ratio, cur materiam Syphilitidis et Blennorrhœæ, unam eandemque esse concludamus, non deesse videtur. Nihil amplius denique super hac re, quam virus alias partes alio modo afficere, ut potuit expectari, addere possumus. Si glandulæ urethræ mucosæ, inquit MONROIUS eruditus, deessent, nihil venereum, præter Syphilitidem, in conspectum semet daturum esse probabile est.

RATIO MEDENDI.

.SYDENHAMIO iudice, curatio Blennorrhœæ a medicamentis purgantibus pendet, quibus "humorem peccantem" evacuari, vel derivationem humorum naturalium fieri ponit. Opinatur
natur

natur quodlibet purgans, præsertim perquam drastrictum, si in usu ejus diu persistetur, morbum depulsurum esse; et formulam hujuscemodi, quotidie in primos duodecim vel quatuordecim dies adhibendam, magnis laudibus ornat. Sub primum mensem extremum, ut ad de- tractionem sanguinis, “in temperamento ad-
 “modum sanguineo” decurratur suadet. Per totum hoc temporis spatium, alvum ægroto liberaliter purgavit, et apud eum quasi axio- ma erat, “quodcunque mundificat bene,
 “bene sanat.” Quinetiam addit, si rationes supra dictæ non morbum tollant, purgans ad- stringens votis plerumque responsurum esse. Si hoc non curationem absolvat, ut duæ trefve doses turpethi mineralis, ex idoneis intervallis, et ampla calomelanos dosis, bis singulis heb- domadis, adhibeantur hortatur. Hujuscemo- di fuit praxis SYDENHAMIANA.

Ex iis, quæ supra de actione viri venerei pro- posuerimus, quod pro materia membranam urethræ, cui summam sensilitatem inesse no- vimus, irritante non habere non possumus, ap-

parere videtur, sequentia medendi consilia naturæ hujusce morbi non male accommodari.

1. Materiam irritantem ex urethra expellere, vel, ut partes actionem ejus minus sentiant, facere.

2. Inflammationem, cum urget, tollere.

3. Partes corroborare, et signa, quæ supersunt, depellere.

Consilium primum explendi causa injectiones numerosæ fuerunt adhibitæ. Blandæ maxime ei convenire videntur, quales sunt, oleum amygdalarum tepidum, mucilago gummi Arabici, et multæ aliæ similem naturam habentes, quæ urethram inflammata[m] lubricando, ut a viro minus irritetur, faciunt. Summis laudibus elatæ fuerunt nonnullæ injectiones, virus ex toto dissolvendi, et ex urethra penitus eluendi consilio adhibendæ, quales sunt alkali causticum fixum solutum. Hoc mucum ex toto dissolvere reperitur. Sapo, mucilago gummi Arabici et oleum ei admisceri nequeunt *. Hæc solutio non tantum in auxilium morbi,

* Thesaur. Med. vol. 2. p. 514. exp. 8. et 9.

morbi, cum invasit, prompta esse reperta est,
 sed ei venienti feliciter occucurrit, ut e locis
 sequentibus dissertationis inauguralis Doctoris
 BALFOUR discere licet. "Talem casum," in-
 quit, "autem mihi renunciavit, ingeniosus
 "juvenis JACOBUS BLAIR. Ipse paululum hu-
 "moris ab urethra nuper infecti absumpsit,
 "et urethræ fani imposuit. Circa diem quar-
 "tum post, periculo subjectus omnia sympto-
 "mata morbi venientis observabat. Tunc pro-
 "tinus injecta solutione alkalina, evacuatio
 "muci magna fuit, nec amplius conquestus
 "est, nisi quod aliquid humoris per unum vel
 "alterum diem ex urethra proveniret. Idem
 "juvenis morbo, a coïtu accepto, sæpius eodem
 "modo occucurrit." Hæc injectio Londini,
 et cum successu prospero, plurimum adhi-
 betur. Complures aliæ in usu sunt, ut sac-
 charum vel extractum saturni. Nonnulli
 solutiones vitriolorum diversorum, mer-
 curii corrosivi sublimati et multorum alio-
 rum, adhibent. Quæcunque vero solutio ad-
 hibebitur, cura agatur necesse est, ut vires
 ejus

ejus tam modicæ sint, ut nihil parumve saltem irritationis aut doloris possint inferre.

Proximum est, ut quænam *consilio secundo*, inflammationem nempe et signa, quæ eam comitantur, cum urgent, tollere, convenient consideremus. Notæ inflammationis in iis potissimum oriuntur, qui valetudine commodissima fruuntur, qui temperamento sanguineo præditi sunt, et præsertim in iis, qui, ob phlogisticam diathesin, ad inflammationem proclives sunt. In hominibus hujuscemodi, sanguinis detractio erit necessaria, eaque universa. Loco propria quoque, per hirudines, sæpe adhibeatur necesse est. Cum hirudines cuilibet loco, prope partes genitales, admoventur, semper diligenter agendum est, ut virus venereum impediatur vulnera, quæ hirudines inflixerint, ulla ex parte contingere. Hic regimen antiphlogisticum stricte adhibeatur; ægrotus infusum lini, vel decoctum althææ liberaliter bibat, vel gummi Arabicum in ore constanter teneat. Omnem irritationem, et mentalem et corpoream fugiat, et, in omnibus Blenorrhœæ exemplis,

exemplis, suspensorium scroti adhibeatur, quoniam tumori testiculorum sæpe occurret. Quas supra comprehendimus injectiones, ad eas, hoc in casu, potest decurri. Semper lenissimæ sint, præsertim dum signa inflammationis graviter urgent. Prout hæc diminuentur, vires injectionis intendere licet, et nonnihil opii injectioni adjunctum, irritabilitatem urethræ compescendo, plurimum sæpe prodest. Plurimum hujusce potestatis possidere videtur saccharum saturni. Cum ardor urinæ ægrum gravius infestat, optimos effectus ab injectione mucilaginis gummi Arabici, vel olei amygdalarum, mox ante adhibita, quam urinam reddit, oriri sæpissime vidi. Hæc non tantum eum adversus multum dolorem tutum reddit, sed auctui signorum, quæ a dolore pendent, potenter occurrit, et nunquam neglectui haberi debet, cum fortunæ aegroti tales sunt, quales impensam hujusmodi tolerare possunt.

Hic paucula de instrumentis liquores in urethram immittendi idoneis, et cura, quæ in iis
adhibendis

adhibendis necessaria est, dicenda videntur. Magna syphonum varietas in usu est. Multi eorum proposito suo male accommodantur. Tubus complurium nimis longus est, adeo ut ægrotus eum in urethram, ultra sedem morbi, introducere periclitetur; unde multum irritationis, multumque detrimenti oriri possunt. Aliorum rursus tubus minime satis crassus est. Adeo ut liquor immissus, in spatium temporis idoneum, in urethra nequeat detineri. Et præterea syphonibus hujuscemodi, cum ullo commodo, uti difficile est, et extremitas eorum urethræ nocere periclitatur. Syrinx vero, quam laudaturus sum, me iudice, omnibus hisce incommodis occurret. Tubus hujusce instrumenti in urethram, adeo ut eam lædat, insinuari nequit. Hoc calice præcavetur, et tubus talis longitudinis et crassitudinis est, qualis ad urethram implendam optime accommodatur, et ita, ne liquor immissus effluat, cavet, dum apex conicus, quem ei comparavi, urethram ab omni detrimento defendet. Ob-
staculum ei quoque addidi, ut in tabula videri potest.

Sypho Blenorrhagicus



potest. Usus hujus in prælectionibus suis excellentissimis primus innuit MONROIUS. Ita injectio in loculamentis gestari, et, pro lubitu, adhiberi potest. Utriculus e gummi elastico vegetabili conflatus est, in quod nullæ substantiæ, si terebinthinas excipias, agere possunt. Quam ob causam, proposito suo optime convenit. Quæ sola ei adjicienda curavi, ea sunt longitudo tubi auctior, apex conicus, et obstaculum.

A quonam hic sypho primum fuerit inventus, ignoro. Quantum ad modum injectiones adhibendi attinet, in usum frequenter, et protinus post urinam evacuatam, revocandæ sunt. Virus Blenorrhœæ altius in urethram, nisi idonea cura agatur, frequenter impellitur, et ita morbum de novo movere potest. Hac super re, sententiam sequentem e thesi de testibus MONROII accuratissimi citandam puto.

“ Et si forte periculum, ne hac ratione venenum per urethram ascendat, ab hac praxi nos deterreat; nonne hoc per digitorum, inter
 “ injiciendum,

“injiciendum, supra partem affectam, pressionem minui aut prorsus amoveri potest?”

Præter sanguinis missionem et regimen antiphlogisticum diligenter adhibitum, moris est sal Glauberianum, nitrumque præcipere, cum ægrotus affectibus, quos in præsentia exequimur, laborat. Præsertim cum ardor urinæ gravior est, posterius caloris imminuendi causa, prius, ut medicamentum purgans, præscribitur. Utraque vero aliena esse puto. In tentaminibus suis experimentalibus, uti nominantur, de casu viri cujusdam meminit Doctor ALEXANDER, qui dysuriæ venereæ depellendæ largas nitri doses sumpserat, quæ morbum non levarunt, sed magnopere intenderunt. Ab usu ejus vero desistere, et eandem gummi Arabici quantitatem adhibere monitus, et hortationi parens ad sanitatem brevi reductus est.

Vir clarus POTT in prælectionibus suis de re chirurgica notavit, se sæpius semel ardorem urinæ ab amplis nitri dosibus proficisci vidisse. Causa hujus facile potest exponi. Comper-

tum

tum habemus, nitrum vasa lymphatica absorbentia ingredi, cum sanguine circumvehi, et una cum urina, ut nitrum, evacuari; et solutionem nitri debilem cuilibet corporis parti, cuticula destitutæ, applicatam magnum irritationis gradum movere. Si igitur, qualis in præsentia conditio urethræ fit, nobiscum reputemus, non multum causæ erit, cur nitrum ardorem urinæ augere, non levare, miremur. Namque urinam omnino naturalem, parti cuticula spoliata admotam, multum irritationis, et doloris excitare reperi. Igitur non poni non potest, urinam, quo magis nitro fuerit imbuta, eo potentiori urethræ inflammatae stimulo fore, et eo magis ardorem urinæ, jam nimium, esse aucturam. Propter has rationes sal Glauberianum et omnia alia salia purgantia, in Blenorrhœa, vitentur necesse est. Alvus vero, potius soluta, constanter teneatur haud dubie oportet. Hoc, si commodum est, semper præstare debent enemata leniora. In exemplis, ubi enemata ne-

G

queunt

queunt adhiberi, nullum medicamentum, quod electuario laxanti Pharmacopœiæ Edinensis antecellit, novi.

Ad *tertium consilium* jam perventum est, quod est partes corroborare, et signa, quæ supersunt, tollere.

Non raro, cum omnia Blenorrhœæ signa ex toto evanuerunt, humor, qui speciem lymphaticam præ sese fert, ex urethra etiamnum efferi pergit, qui id, quod blenorrhagia, vel Anglice *gleet*, appellatur, constituit. Non attentionem medicorum fugit, blenorrhagiam aliquando signa, Blenorrhœæ propriis similia, habere. Quæ materia excernitur, ea speciem puris sibi induit, modo viridis, modo flava ; et calore etiam urinæ, et levibus inflammationis signis stipatur. Haec signa plerumque potationem veneremve nimiam excipiunt. Quinetiam semet sæpe ostendere consueverunt, cum purgantia draastica in curatione Blenorrhœæ adhibita fuerunt. Ab aliis plerumque facile secernentur, quod, regimine anti-phlogistico

phlogistico adhibito, pauculis diebus fere constanter decedunt. Ea tamen perspecta habere convenit, quod alioquin, ea depellendi causa remedia parum idonea adhibere periclitaremur, ea novam infectionem indicare existimantes*.

Blenorrhagiæ a causis diversis proficiscuntur, modo a debilitate arteriarum urethræ serosarum, quod sæpe debilitate totius systematis stipatur; modo a stricturis, modo a morbis glandulæ prostaticæ. Cum ratio non deest, cur blenorrhagiam relaxationem vasorum pro causa habere, et est, cur ita putemus, si nihil obstaculi, cathetere introducto, in partibus singularibus offenditur; in exemplis hoc genus magna injectionum varietas fuit adhibita. Quæ vero casibus hujuscemodi optime accommodatur, ea est vitriolum album ex aqua dissolutum, cui solutio opii adjungatur necesse est. Alii decoctis adstringentibus, sub forma injectionum, utuntur, et variis aliis. Si constitutio corporis debilis esse videatur, ad tonica,

ut

* CULLEN's First Lines, par. MDCCLXIX.

ut corticem Peruvianum, ferrum, vinum, et exercitationem sub dio, quæ sæpe plurimum prodest, decurratur. Equitatio vero, non adhibenda est, propterea quod, ut morbus rediret, sæpe fecit; quanquam, in pauculis casibus, eum depellere fuit dicta. Lavatio marina sæpe multum proficit. Blenorrhagiae vero pertinaces omnibus hisce remediis parere sæpe recusant; et in exemplis hujuscemodi electricitas, et aliquando cum commodo, fuit tentata. Epispastica superficiei urethrae externae admodum Blenorrhagias pertinaces nonnunquam sustulerunt. Terebinthinae in usu crebriore fuerunt aequae, ac balsamum copaibae, et effectus non parvos edere videntur. Vir clarus JOANNES HUNTERIUS docet ab usu earum, si non intra spatium sex octove dierum proficiant, abstineri debere. Tres Blenorrhagias, quas naturam earum, quas in praesentia exequor, habuisse suspicor, quaeque per aliquot annos manserant, usu gummi myrrhae ex toto tolli vidi, postquam omnia alia medicamenta, quae poterant

poterant excogitari, fuerant incassum tentata. Cum Blenorrhagia a strictura plane evidenter-que pendet, curatio usu instrumentorum, quae *bougies* appellantur, idoneo solo perfici potest.

Accurata vero anatomiae urethrae notitia, magna assiduitas et patientia erunt necessariae, cum curationem Blenorrhagiarum ope eorum absolvendam suscipimus. DARAN omnes haece dotes possidebat, et hoc modo tantam famam et existimationem sibi adeptus est. Juvenis mihi in primis carus et acceptus, qui Blenorrhagia in aliquot annos laboraverat, quae levem stricturam pro causa habere videbatur, modica tentigine nonnunquam stipata, dolorem partis, inter coeundum, acutissimum sensit, dum semen mittebatur. Partibus protinus examinatis, guttam sanguinis in ostio urethrae notavit; sed, ex illo momento, morbus eum ex toto reliquit, et nihil molestiae omnino ei, in posterum, faceffivit. Hoc vero exemplo prospero, sed solitario, inductus minime suadeo, ut aegroti hujusmodi ad vene-

rem

rem confugiant ; quoniam compertum habeo, hanc, ut morbus repetat, saepe facere. Haec igitur, in modum omnium aliorum stimulantium et uniuscujusque intemperantiae speciei, caute diligenterque vitanda. Cum Blenorhagiam ab affectu glandulae prostatae oriri suspicamur, epispastica perinaeo applicari possunt, et ad alia remedia, ut electricitatem, &c. supra laudata confugere conveniet, ut vir clarus JESSE FOOT evidenter demonstrat.

Multae aliae sunt Blenorrhœae sequelae, ut phymosis, paraphymosis, tumor testiculorum, &c.; sed eas tam plene accurateque executi sunt Dr SWEDIAUR, et JOANNES HUNTERIUS, ut nihil amplius addere possim, nec limites soliti dissertationi hujusmodi praescripti me ita facere patientur.

Nunc tantum restat, ut hanc dissertationem ad finem perducam. Si vero hoc facerem, et non, quantum a singulis hujusce Academiae celeberrimae Professoribus fructus perceperim, candide planeque confiterer, memet animi
perquam

perquam ingrati non accusare non possem.
Namque omnem scientiam medicam, qualif-
cunque fit, quam attigerim, illis ex toto debeo.
Nec dies ulla longa unquam adveniet, quae,
ut gratissima eorum recordatio mihi e memo-
ria excidat, facere valebit.

F I N I S.